

Ուղեղիս մէջ հայերէն լեզուն ծալքեր է բաց անում:

«Բայրօնի սենեակը» յիշատակների գերեզման է: Ամէն ինչ փայլում է: Գրականների ետեւ, մէկը միւսի վրայ դեղում, յախճապակիներ, միզալիոններ, փայտէ շինուած առարկաներ: Լեւոն թագաւորի սուրբ. Բայրօնի գրիչը. կաթողիկոսների կոնզակները: Միւս սենեակում՝ եղիպտական մումեան եւ հագարաւոր հատորներ, գեղեցիկ կազմուած եւ կանոնաւոր դասաւորուած:

Մումիայի արկղի գունաւոր նկարների նման գրաբառը սրտիս մէջ թառամած լոյսեր է կուտակում. ածականները ոտքերիս տակ երփներանգ կարպետներ են փռում եւ բայերը սարկաւազների պէս ծնծղայ են շարժում եւ մօրուքը շարժելով երգում են:

Ագաթանգեղոս. Զենոբ Գլակ. Փաւստոս Բիւզանդացի:

Հնչուն եւ գեղեցիկ անուններ: Արծաթէ շեփոր էր որ դարերի գիշերում միայնակ հեծկըլում են: Արշակ թագաւորը մեռնում է. Հայաստանը բաժան բաժան է լինում եւ դրաբառը արիւնի լճակներով ծածկուած հողի վերայ տաշուած մարմարներ է գետեղում, պատեր է բարձրացնում, գմբէթ է շինում ու բարձր մի դանդաղատունից երկարօրէն հառաչող զօղանջներ է զրկում:

Էջը դարձնող մատերս ահաւոր ցաւերի են քսում:

Աշունը գլուխը կպցնում է պատուհանին եւ կարմրած աչքերով ներս է նայում:

Իսկ փայտէ քանդակներով դարդարուած հարեւան դաշլիճում պառկել է մումիան. իսկ գրակալի մէջ, փոշիով ծածկուած չնչին եւ անպէտք առարկաների հետ, կախուել է Հայոց թագաւորի սուրբ:

Արքան մեր...

Մեղանից ամէն մէկը մի քիչ գաւառական թանգարան է:

Մարդիկ կահաւորուած են չնչին եւ անպէտք զգացումներով եւ գաղափարներով: Ամենօրեայ կեանքը, միջավայրը, դաստիարակութիւնը մեղ լեցնում են փոքրիկ ապրումներ-

ըով, միջակ ու գորշ պահանջներով, տաղտկալի կրկնութիւններով, ընդունուած, նեխուած օրէնքներով:

Ի՞նչ կը լինէր մեղ հետ, եթէ չունենայինք ներշնչման բախտաւոր վայրկեաններ եւ ըմբոստանալ կարողանալու առաքինութիւնը: Ի՞նչ կը լինէր, եթէ մի օր, աստուածային ներքնատեսութեամբ, յանկարծ չնկատէինք, որ այնտեղ, մի ինչ որ անկրկնում, ուժգնօրէն բարախող մեր սրտի մօտ, կախուած է արքայական մի սուր:

Մեծ, փայլուն, կռացած մի սուր, որի վրայ քանդակուած են մեր ճակատագիրը պատմող գրերը:

Այդ վայրկեաններին հոգին իր թագը գըլխին է դնում: Հագնում է կարմիր պատմուճան եւ նստում է բարձր մի գահի վրայ:

Հայր յաճախ կորցնում է իր սրտի արքայական սուրը:

Պատմութիւնը իր գլուխը վայր է նետում մորթուած եղան նման: Անապատը քարանում է: Մարդարապատի վրայ օձեր են պարում, ու դարը, հիւանդ ու սպառած վայրկեաններին, վիժում է գեղեցիկութիւնից ու վեհութիւնից զուրկ մարդուկներ:

Աղուէսի աչքերով, դարշելի գէմքով, մանր, գորշ, աղահ եւ խորամանկ մարդիկ: Ինքնահաւան, չնչին եւ ալլանդակ հայեր: Քիթը գետնին տուած սողուն վաճառականներ. գործիչներ, վանականներ՝ կեղծաւոր ժպիտով, կուղ հոգիով եւ խուլ սրտով:

Արարատը ծածկում է իր գէմքը: Սիւխանը կորչում է մառախուղի մէջ: Այլշանը պինդ պլլում է իր գերեզմանի հողին եւ ուզում է գիակ մշտլ:

Էջը դարձնող մատերս սաբսուտ են սեղմում:

Քամին տրորում է Լազունան: Աշունը իր գլուխը թափահարում է, թեւերը վեր բարձրացնում, մարմինը դալարում:

Ու ահա, Հայոց աշխարհում, արքան իր սուրը գուրս է հանել եւ հարուածում է:

Գրաբառը ներդաշնակ նախադասութիւնների առջեւ կանգնած ոսկէ մի բորագան փը-